

武陵縣志卷二十四

釋老

漢

黃敬字伯嚴少讀經書仕州為部從事後學道於霍山八十餘年復入中嶽專行服氣斷穀為吞吐之事至二百歲轉還少壯道士王紫陽往求要言敬曰吾不修服藥之道但守自然蓋地仙耳何足詰問

晉

黃道真居高吾山修道乘白鹿去不知所終

唐

武陵縣志

卷二十四

黃洞源大厯間學道於桃川宮辰州瞿柏廷師事之後皆化去

宋

張尊師號曰雲子著有消災頌

李正字宏卿見東皇公教之學道死後家人埋之 冢上有樹

高七尺能生花人見此花皆聰明世號聰明樹

張虛白不知何許人舉進士遊武陵仙去郡人余安後遇之楊州因寄詩於常所沽酒媪崔婆所

思業禪師初為屠宰一日戮猪忽洞澈心源即棄為比丘述偈曰
昨夜叉心今朝菩薩面與夜叉不隔一條線

明

冷謙字啟敬元中統初與劉秉忠從沙門海雲遊博學精於易尤深邵學及百家方術摩不洞習至元間秉忠為相謙乃棄釋從儒居雪川交趙孟頫嘗於四明史彌遠家視李思訓畫因契之遂善繪後隸淮陽遇異人授中黃大丹傳張氏契真 迨至正間年百餘歲貌渥如童迺亂金陵坐肆市藥明初仕為太宰博士考定樂律竟不知所終

吳半仙學道異人也流寓武陵好事者問其籍里不答問其年亦

不答

附龍膺吳半仙傳吳半仙身長八尺膚槁面黧常以狗皮為幘鼠皮為衣冬夏不更恒赤脚或拾路旁弊履曳之暮

坐一蒲團或坐或踞絕不眠口默誦不省何語晨早向初陽長跼櫛恆數百下握兩拳撞左右耳已乃行乞市中惟呼曰化飯兒吃與則不辣葷素食之弗與竟去復呼如前見溝壑中有死貓死犬拾去燎而啖之人初以為顛久之疑其有道術也徐茂

武陵縣志

卷二十四

二

才奇其人延之居戶外樓飲以酒務令醉中夜伺之微聞誦金剛諸法寶一夜偕一頭陀宿置兩人作隱語頃訖問其發妻至否曰近得一妻不德遣之卒不知其解茂才時為之治衣履受之不謝出門輒脫以與諸貧者又時為之治饑餓頗以為類去之關王閣外宿草中問其道則曰吾乞食而已他何知一官客道出武陵聞其名使使將幣致之不納已為治具迎之至則不揖徑上坐飲酒啖肉弗接一語酒將罷客起為壽拜而問道應曰我以汝飲食我奚以道為客強遂拂衣去盡喉所食常施藥然未見有藥具陳廣文母九十病延治之出袖間一草根如藕節與之服病暫已及出語人曰陳太夫人邀我遊廬山我弗去逾日陳母不起矣後有郡人遊武當見半仙於巖際就之如飛而去歸物色之乃知半仙足不履郭門已四十年後復有人遇於武當山太常龍氏曰吾兒時見之貌類七十許先大夫謂余曰吾兒時見之貌亦若此矣予舉於鄉有宴客半仙來乞飲飲以酒笑而出門曰明年復來簪花飲酒其時人異其言輒為予賀予果成進士及宦遊數年歸問半仙已遷化一年矣

僧雙扇不知何許人來德山鹿菴遇食苦和尚所談皆忠義俠烈食苦奇之詰其所以知其兄為枯藤和尚曾為食苦二徃沅淑

通兄弟音問於是食苦嗚咽告雙肩曰予兄今復滯粵西魚雁杳然心竊傷之雙肩奮臂起索書獨肩朽木一株間關奔走往返二千里刻期報命

石谿和尚名髡殘一字介邱少自剪其髮遊諸名山叅悟後至金陵受衣鉢於溇杖人住牛首山工山水然不輕爲人作

按顧亭林有同

楚二沙門小坐柵洪橋詩中云復有一少者沉毅尤非常不肯道姓名世莫知行藏卽謂髡殘也王士禎嘗有題髡殘畫詩云慈竹林中一徑微曾尋石窟卽禪扉雲山舊衲渾忘却欲借僧雛壞色衣

僧毛自得來德山著做衲髮長不剪興至高歌聲清越四五載不沐浴後不知所往

郭半仙初鬻屨爲業旣而狎狂行市中人未之奇也恆卧武廟左

武陵縣志

卷二十四

三

石馬下一夕忽卧於右晨起視則左石馬倒矣人始覺其異與之食不食若自往求食其家是日賈必倍因爭延致之不可得口中常喃喃問之復不答髮長不剪衣曳地手挾一竹杖縱橫畫地若指示人莫有喻者晴攜雨具出是日必雨久雨科頭行市中必轉睛一日執數十燒餅每家遺其一曰好燒好燒又用枝灑水於未置餅處曰好水好水數日火如其所灑水處止人始知先有意示人也形貌枯槁不澣不濯暑月卧處無蚊卧數日不飢或取所嗜者盡啖之亦不甚飽人因以半仙呼之

髮頭陀少喜任俠已心厭之徙家桃花源種瘠田二頃纔給糞殮宴如也喜釣魚徜徉青螺白馬間閒輒焚香手念珠趺坐宛

然頭陀第有髮耳剃髮頭陀菴於入湖濱四面種竹竹臨池池
畔蒔蔬菴貯圖書酒尊客過從輒留飲茹蔬非知己亦油油不
肯去顧負酒癖偶醉口及時事輒慨然以悲復自笑有秋興詩
三首見道聽錄